



www.BibleForChildren.org



Jon 14



Jisas nukas kon tamareäü roat awarowon, "Ak ronkat sosop oumoi, woiaka usu wa saräü. Anut mesin akan woiaka epar moinai, isanun nais woiaka epar mowe. Isan monian owa ou waru sosop rau. Is akan rawaun om jekuraun manaurim."



"Kiro epar wa maro, is ak wa awarowom. Is tone ak rawaun om jekur momoi, ätäi koianik, ak imwaroita, ak tone, isaka pak erek rawaiei."




Is Jon, is akan jaunaka, is ak pak erek ik Jisas
pak pasar raiäüm. Is ak pak erek ik tätäi
oiäüm. Is nais ak pak erek ik Anut

nukas kamoikeäu. Is ak
pak erek usu oianik,


woiaka
päurar orip
raiäüm.




Is Anut nukan ämän areanik, isan woi Jisas
nukanun epar momin, keser ämän are raita,
is usu iraun Patmos airan opok muroin.



Kiro ses opokar, Anut nukan Osou Näus is sakau
kamoironuk, is nini epir pakas senek omar oik ro
näväu nukan taneäü patan opok kar ro tane
rawon aparmin.



Osap erekapu Anut nukas
ate mowon awau raiäi akas
ämän arena, is roimin.




Kiro osap erekapu omar oik rai, omnokou opok rai,
meiein roat akan mena rai, mas an uru rai, ak erekapu
keser sir wein, "Anut ko kamwareäü
ro näwäü nukan patan opok tane
rau pak, Sipsip Nak pak au eposek
senes, okon, ik awan enmawa jou
mateanik, awanun woioek erermoi,
'pere' awatota,
au orip orip
sakau rawaieir."




Is näu mena eposek senes, kiro Jerusalem awau Anut nuka omar oik rau pakas kounuk kounuk, aparmin. Kiro mena ko kar asir ro owaun mer eposek amkeäu senek keserwon. Is Anut nukan patan opokas kar ron pätu keser arewon roimin, "Rusapai, Anut nukan ou


roasiret
kampai rawai.
Ko ak pak rawai.
Ak kon roasiret
rawaiei. Anut
nukasar ak pak
raianik, ko akan
Eit rawai."



Kiro sarau eitekus is awau rawaun an nāwāu ätär
murowon. Kiro an siror senek minmäniriäwon. Kiro an
ko Anut pak Sipsip Nak pak awan patan opokas
koianik, kiro nāu menan apu kamukas noptowon.



Kiro näu mena san keir ori au merek kuräun rawau wa.
Owon, Anut nukan enip jou nukas kiro opok merek
kuräi. Sipsip Nak ko kiro pakan arou.



Utianik, osap aru pak
roasiret ak karauk
onok aru oioraka naun
keseriäin pak roasiret
sät ämän miäin pak, ak
epar senes, kiro näu
mena wa tonaiei. Kiro
roasiret Sipsip Nakus
kon awau rawaun buk
opok akan enmaka jer
we mowon ak karar
epar kiro näu mena
tone rawaiei.




"Kos roasiret akan amiak urok
erekapu tätäiäi. Kiro roasiret
ak ätäi wa meiäiei, woiaka aru
wa mai, wa waiaiei, ak tätäi wa
owaiei. Kiro meteran onok
erekapu manoin."



Karauk osap meter Anut nukas aru maraun äiewon, ak
Anut nukan näu mena wa rawaiei. Utianik, Anut Sipsip
Nak orien patan epar kiro näu mena raunuk, Anut
nukan roasiret ak kon enip jou muraiei. Ak kon nepu
aparna, kon enip akan
oioraka opok jer
we marona, rawaiei.



Is meiein roasiret enmaka orip pak enmaka wäpik pak
ak kiro patan amukup tai rain apwaromin. Sarau eitek
akas karauk buk käsiräiein. Kar buk kiro awau rawaun
buk nais käsiräiein. Meten meiein roasiret ak onkapai
raianik, owo sarau moin keseriar buk opok
jer wein rau, kiro jeris ak wasarewarai.
Inok roasir kon enip awau rawaun
buk opok rawau wa, ko nais ep
nawäu jerera uru
känkurenuk, nai.



Osou Näu pak Sipsip Nakun asir pak awas roasiret
karar karar awaraieir, "Na koi." Inok roasiret ak kiro
ämän roin akas nais "Na koi!" äiäiei. Inok roasiret ak
an pätwarnuk, ak awau rawaun an jaun kowe. Akan
aiaukus wa kau maiei, erar oi jaiei.



Anut nukas okoro omnokou pakan
roasiret mesin wous meiemara, kon
mokoi karartapau äsimornuk,
kowon. Ko kiro onok kesernuk, inok
roasir ko mesin wou epar mai,
ko wa meiäi, kon totok
orip orip awau
rawai.



Rom 3:23 Owon, roasiret erekapu onok aru miäin. Ak onok aru miäi, okon, Anut nukas akan enmaka jou näwäu orip wa oik marai.

Rom 6:23 Keserianik, roat onok aru miäi, kiro onok arus ak ep wa koseriäu nukan apu opok mareäu. Utianik, roasiret ak iken Näwäu, Krai Jisas pak pasar rauna, Anut nukas kon wou näu oripas ak sarwareanik, ak orip orip awau rawaun apu opok mareäu.

Ibru 9:27 Ko keserwon senek roasiret nais kararpai meiäiei. Ak meiena, tawa Anut nukas ak wasarewarai.

Efesus 2:8,9 Ak akan woiaka Krai mesin epar moin, okon, Anut nukas kon wou näu oripas sarwaromara, akan onok aru pakan ätäi imwarowon. Akas kar sarau eposek kos ak ätäi imwaraun mau wa, wäpik, Anut nukasar ak erar sarwarowon. Akan sakau pakas kos ak imwarau wa, okon, ak akan enmaka jou mau senek wa.



Rom 10:9,10 Ak karauk roasiret Krai mesin awareanik, keser awaraiei, "Jisas ko iken Nāwāu." Akan ronkat opokas "Anut nukas Jisas meiewon ätäi siräi mowon" woiaka epar maiei. Ak keser awareanik, aka keser woiaka epar mona rai, kos ak akan onok aru pakan imwarai. Epar senes, kar roasir kon wou Krai mesin epar mai, Anut nukas kiro roasir ko eposek aurai. Kiro roasir karauk roasiret Jisas ko isan Nāwāu keser awarai, Anut nukas kon onok aru pakan imäiäi.

Jon 3:16,17 Anut nukas okoro omnokou pakan roasiret mesin wous meiemara, kon mokoi karartapau äsimornuk, kowon. Ko kiro onok kesernuk, inok roasir ko mesin wou epar mai, ko wa meiäi, kon totok orip orip awau rawai.

Owon, Anut nukas kon mokoi okoro omnokou opok roasiret wasarewaraun ro senek Anut nukan amukup ak ämän orip awaraun äsimorau wa, utianik, ko roasiret akan onok aru pakan imwaraun äsimorwon.



1 Jon 5:11-13 Kiro epar ämän Anut nukas äiewon kesek:
Anut nukas iken totomok awau orip orip rawaun sakau
ikowon. Kiro totomok awau rawaun onoktapau kon mokoi
Jisas opok rau. Inok roasir ko kon mokoi pak pasar raiäu,
ko totok awau orip orip rawaun sakau oiäu. Inok roasir ko
pak wa pasar raiäu ko kiro totok orip orip rawaun sakau
wa oiäu. Ak Anut nukan mokoi mesin woiaka epar miäi
roasiret, akan totomaka awau orip orip rau äpu
maun isas okoro jer we marom.



Jon 14; 2 Korin 5; Revelesen 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Girawa Bible (bbr) © 2013, Wycliffe Bible Translators,
Inc. All rights reserved.

<https://live.bible.is/bible/BBRWBT/MAT/1>

©2026 Bible for Children, Inc.

www.M1914.org

www.bibleforchildren.org

